

三朝要典

三朝要典卷之四

梃擊

丁丑。

上諭輔臣曰

朕因姦徒張差闖入青宮。震驚皇太子。朕所以率皇太子恭詣

聖母神位前。行慰奏。告知禮訖。召卿等來於宮門前。詳加議論。朕只道各犯已得真情。傳將

本內有名張差并龐保劉成速行決了。隨據刑部侍郎張問達奏稱二犯不曾到官。朕回宮傳着司理監將二犯上緊拏來。以正其法。朕見二犯名字不對。次日皇太子親來乾清宮行門慰禮。面奏朕本宮審張差原是風癲。此二犯的係差風口誣攀。祈勿株連。方今亢旱。宜體好生。朕思事體重大。故着司禮監與同九卿三法司。分文華門會問。鞠審真情。二

犯供不識張差。可見情詞乖異。朕復着司禮監掌印李恩等。用諸大刑。訊問拷究。前後五次。俱與朝審相同。又復嚴究。今該監具奏。天氣炎熱。二犯因刑已故。且皇太子諄諄懇請。恐傷天和。其株連馬三道等。分別擬罪來奏。卿等宜當仰體。以舒朕懷。以安皇太子仁孝之心。

官之事當

召對

慈寧時已定矣。乃復厪

唐慮者。爲馬三道等。尚未結局。恐姦人復煽異說。以滋不決之疑耳。伏讀

聖諭。一則曰。

皇太子親奏的係誣攀。再則曰。

皇太子諄諄懇請。又曰以安

皇太子仁孝之心可見。

兩朝慈孝。渾無嫌隙。姦人乃欲因以爲利。居之爲功。何耶。

丁亥

上以馬三道等獄未結。傳責刑部曰。

祖宗設立刑獄之官。但凡有罪之人。卽獻奏聞。裁定。况昨張差面諭已決。鄭進等以重刑俱故。且馬三道等。皇太子屢屢面奏。的係攀誣。

懇請從輕擬罪。以體好生之仁。毋得波及無辜。恐傷天和。如何。連日不見擬罪本來。顯是爾等抗違不遵。卽着回將話來。或有司官挑激。擬謀欲誣害善類的。爾等指名叅來。不得庇護。其馬三道等。着遵前旨。作速擬罪來奏。不許仍前延緩。必罪不宥。

戊子。刑部擬馬三道。李守才。孔道。以左道爲從。律論應流。李自強。李萬倉。應笞。

從之

史臣曰馬三道等原屬誣攀故再三
嚴鞫俱無指實卽付之周興來俊臣
輩亦不能周內也蓋當時以事關

宮闈雖知爲無端株連自不得不詳審至是
而事已明矣法已無可加矣徒擊之
誣已一了百了矣後此復紛紛異論
蔓引不休則信乎邪說之鼓惑人心

也

七月壬子南京給事中晏文輝奏言。臣閱邸報見張差闖入

東宮。雖駭異之。猶以爲或出風癘而未敢言也。及主事王之寀。以會審請。科道部郎以會審請。堂部閣臣以會審請。其主使有人。其陰謀有迹。

祖宗自有三尺在。卽所甚臆。豈得私庇焉。雖大

獄之繁興當慮也。而元兇不可不授首。縱
無辜之波及當恤也。而正犯不可不盡法。
乃拜疏時。忽聞

皇上傳諭閣臣。

特召大小諸臣至

慈寧宮門。

命

皇太子侍側。

皇長孫等並立。示以愛惜之至情。傳

諭速決張差。不得累及無辜。大哉

王言。一引手而父子祖孫。藹然於聚會之間。祖宗實式憑之矣

八月。庚辰。太常寺少卿史孟麟。上言。張差一案。

皇上之處分甚明。

皇太子之燭照甚確。然而廷臣議論未已者

則以處之未盡其道也。臣謹以二事。上廣
天聽。一曰。

太孫

冊立之當議。

皇上面諭廷臣曰。

皇太子既長。

皇孫又大有何疑忌。然此意惟

皇上知之。而左右近習。未必盡知也。故張差持

挺打人。欲立奇功。而徼倖於萬一。此廷臣
所以必欲根究主使也。惟舉

冊立

太孫盛典。卽有龐保。劉成。張差輩。何自而生
其姦乎。一曰。直臣愚戇之當容也。御史劉
光復。廷辯數語。不無過激。其意不過爲究
問主使之人

皇上以龐保。劉成。爲主使。不許濫及無辜者不

欲以猜疑之隙開天下。欲結目前之變局也。奈何獨罪光復乎。疏入。

上以張差罪案已結。孟麟捏造詞語。陰懷檢邪。着降五級。調外。

史臣曰。孟麟之得罪宜也。當時事體已明。羣疑已釋。乃以奉使之臣。謬煽道路之口。嗷嗷竄聽。以徼後功。則亦邪說之鼓吹也。

甲辰駙馬都尉王昺疏救光復曰御史劉
光復當進諫時意氣激烈聲高膝前寧暇
計生前祿位死後榮名迨

出音拏問遂成忠臣死諫之名人誰無死光復
死不朽矣。

陛下殺諫官爲何如主哉。

陛下謂罪一御史以震驚爲名卽與後宮事無
涉。可符臣下。若然則

陛下誤矣。當光復奏事丹墀。

陛下位在簾前。聽尚不真。安得震驚。

几筵。無論忠讜敷陳。

神靈欣悅。且

在天之靈。豈以奏事驚乎。今以孟坤之律。以罪

光復。彼盜臣。此忠臣。引而坐之。又天下所

不信也。

陛下欲息後宮之禍。釋外廷之猜。不得已而

召對既謂

召對。寧可皆默然而出。必有忠諫。方成盛典。乃
張差速誅。龐保。劉成。內熒。馬三道等。曲宥
之。而面諍之御史。別立震驚名色。而囚之。
急解後宮之危。漸開

國家之釁。弛悖逆三面之網。損四十二年容
納忠諫之名。寢禍翻爲禍胎。亦大非

召對初心矣。